

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ
ՈՐՈՇՈՒՄ

„...» _____ 2011 թվականի N - Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՌՈՂՋԱՊԱՀՈՒԹՅԱՆ ՆԱԽԱՐԱՐՈՒԹՅԱՆ
«ԱՌՈՂՋԱՊԱՀԱԿԱՆ ԾՐԱԳՐԵՐԻ ԻՐԱԿԱՆԱՑՄԱՆ ԳՐԱՍԵՆՅԱԿ» ՊԵՏԱԿԱՆ
ՀԻՄՆԱՐԿԻՆ ԳՈՒՄԱՐ ՀԱՏԿԱՑՆԵԼՈՒ ՄԱՍԻՆ

Հայաստանի Հանրապետության և Վերակառուցման և զարգացման միջազգային բանկի միջև 2011 թվականի հունվարի 26-ին ստորագրված «Առողջապահական համակարգի արդիականացում» երկրորդ վարկային ծրագրի լրացուցիչ ֆինանսավորման N 7987--AM համաձայնագրի 4-րդ հոդվածի 4.01 կետի «ա» ենթակետի և «Հայաստանի Հանրապետության բյուջետային համակարգի մասին» Հայաստանի Հանրապետության օրենքի 19-րդ հոդվածի 3-րդ կետին համապատասխան՝ Հայաստանի Հանրապետության կառավարությունը որոշում է.

Հայաստանի Հանրապետության և Վերակառուցման և զարգացման միջազգային բանկի միջև 2011 թվականի հունվարի 26-ին ստորագրված «Առողջապահական համակարգի արդիականացում» երկրորդ վարկային ծրագրի լրացուցիչ ֆինանսավորման N 7987-AM համաձայնագիրն ուժի մեջ մտնելու նպատակով Հայաստանի Հանրապետության առողջապահության նախարարության «Առողջապահական ծրագրերի իրականացման գրասենյակ» պետական հիմնարկին մինչև 2011 թվականի ապրիլի 23-ը հատկացնել 200,000 (երկու հարյուր հազար) ԱՄՆ-ի դոլարին համարժեք դրամ՝ Հայաստանի Հանրապետության 2011 թվականի պետական բյուջեով նախատեսված Հայաստանի Հանրապետության կառավարության պահուստային ֆոնդի հաշվին (բյուջետային ծախսերի տնտեսագիտական դասակարգման «Այլ ծառայությունների ձեռքբերման ծախսեր» հոդվածով):

ՍՏՈՐԱԳՐՎԵԼ Է ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՐՉԱՊԵՏԻ ԿՈՂՄԻՑ 2011
ԹՎԱԿԱՆԻ ԱՊՐԻԼԻԻՆ

ՀԻՄՆԱՎՈՐՈՒՄ

«Հայաստանի Հանրապետության առողջապահության նախարարության «Առողջապահական ծրագրերի իրականացման գրասենյակ» պետական հիմնարկին գումար հատկացնելու մասին» ՀՀ կառավարության որոշման նախագծի

1. Իրավական ակտի անհրաժեշտությունը, նպատակը, հիմքերը.

«Հայաստանի Հանրապետության առողջապահության նախարարության «Առողջապահական ծրագրերի իրականացման գրասենյակ» պետական հիմնարկին գումար հատկացնելու մասին» ՀՀ կառավարության որոշման նախագծի ընդունման անհրաժեշտությունը պայմանավորված է այն հանգամանքով, որ Հայաստանի Հանրապետության և Վերակառուցման և զարգացման միջազգային բանկի միջև 2011 թվականի հունվարի 26-ին ստորագրված «Առողջապահական համակարգի արդիականացում» երկրորդ վարկային Համաձայնագրի թիվ 7987-AM լրացուցիչ ֆինանսավորման ուժի մեջ մտնելու պայմաններից մեկն է հանդիսանում Վարկառուի 200.000 ԱՄՆ դոլարին համարժեք սկզբնական դեպոզիտ ունենալու հանգամանքը:

Որոշման նախագծի մշակման համար հիմք են հանդիսացել

- «Իրավական ակտերի մասին» ՀՀ օրենքը,
- «Հայաստանի Հանրապետության բյուջետային համակարգի մասին» Հայաստանի Հանրապետության օրենքի 19-րդ հոդվածը:

2. Ընթացիկ իրավիճակը, խնդիրները

Հայաստանի Հանրապետության և Զարգացման միջազգային ընկերակցության միջև 2007 թվականի մարտի 9-ին ստորագրված «Առողջապահական համակարգի արդիականացում» թիվ 4267-ԱՄ երկրորդ վարկային ծրագիրն ավարտվում է 2012 թվականի դեկտեմբերի 31-ին: Հիմք ընդունելով այն հանգամանքը, որ նշված ծրագրի, ինչպես նաև վերջինիս նախորդող թիվ 3920-ԱՄ առաջին վարկային ծրագրի շրջանակներում իրականացված առողջապահական համակարգի արդիականացման գործընթացն ունեցել է բարձր արդյունավետություն, իսկ ՀՀ մարզերում և Երևան քաղաքում առողջապահական համակարգի բարեփոխումների անհրաժեշտությունը դեռևս առկա է, ուստի, բարեփոխումների շարունակականությունը ապահովելու նպատակով, Հայաստանի Հանրապետությունն որոշել է դիմել Համաշխարհային բանկին ևս 19.000.000 ԱՄՆ դոլար գումար հատկացնելու խնդրանքով:

Նշված վարկի տրամադրման վերաբերյալ Համաձայնագիրը Կողմերի միջև ստորագրվել է 26.01.2011թվականին: Համաձայնագրի ուժի մեջ մտնելու նախապայման է սահմանվել նաև

Վարկառուի կողմից 200.000 ԱՄՆ դոլարին համարժեք սկզբնական դեպոզիտ ունենալու հանգամանքը:

3. Կարգավորման նպատակը

Առաջարկված ՀՀ կառավարության որոշման նախագծի նպատակն է ապահովել վարկային Համաձայնագրի 4-րդ հոդվածի 4.01. կետի ա. ենթակետով նախատեսված ուժի մտնելու նախապայմանը:

4. Տվյալ բնագավառում իրականացվող քաղաքականությունը

Համաձայն վարկային Համաձայնագրի 3-րդ հոդվածի 3.01 կետի՝ Վարկառուն ծրագիրը պետք է իրականացնի ՀՀ առողջապահության նախարարության միջոցով, որտեղ ծրագրի անմիջական իրականացման համար պատասխանատու է ՀՀ ԱՆ «Առողջապահական ծրագրերի իրականացման գրասենյակ» պետական հիմնարկը:

«Առողջապահական համակարգի արդիականացում» երկրորդ վարկային Համաձայնագրի թիվ 7987-AM լրացուցիչ ֆինանսավորման ընդհանուր գումարը կազմում է 25.330.300 ԱՄՆ դոլար, որից 19.000.000 ԱՄՆ դոլարը տրամադրվում է Համաշխարհային բանկի կողմից, իսկ 6.330.300 ԱՄՆ դոլարը կֆինանսավորվի ՀՀ կառավարության համաֆինանսավորման միջոցներից: 26.01.2011 թվականին ստորագրված թիվ 7987-ԱՄ Համաձայնագրի 4-րդ հոդվածի 4.01. կետի ա. ենթակետի պահանջն ապահովելու համար՝ ՀՀ ԱՆ «ԱԾԻԳ» ՊՀ ՀՀ ֆինանսների նախարարության կենտրոնական գանձապետարանի համապատասխան հաշվեհամարին անհրաժեշտ է փոխանցել 200.000 ԱՄՆ դոլար:


5. Նախագծի մշակման գործընթացում ներգրավված ինստիտուտները և անձինք

ՀՀ կառավարության որոշման նախագիծը մշակվել է ՀՀ առողջապահության նախարարության, ինչպես նաև ՀՀ ԱՆ «Առողջապահական ծրագրերի իրականացման գրասենյակ» պետական հիմնարկի համապատասխան մասնագետների կողմից:

6. Ակնկալվող արդյունքը

ՀՀ կառավարության որոշման նախագծի ընդունման արդյունքում ուժի մեջ կմտնի Հայաստանի Հանրապետության և Վերակառուցման և զարգացման միջազգային բանկի միջև սույն թվականի հունվարի 26-ին ստորագրված «Առողջապահական համակարգի արդիականացում» երկրորդ վարկային Համաձայնագրի լրացուցիչ ֆինանսավորման թիվ 7987-ԱՄ վարկային Համաձայնագիրը:

ՀՀ ԱՌՈՂՋԱՊԱՀՈՒԹՅԱՆ ՆԱԽԱՐԱՐ՝



Հ.ԲՈՒՇԿՅԱՆ